



Iroun Beretitenti Thomas S. Monson

Kakabwaia n te Tembora

Ngkana ti roko n te tembora, e kona n roko nakoira iangoan te maiu n tamnei ao namakinan te rau.

Tariu ao mwaaneu aika kam tangiraki, I rangi ni kakaaiteau n raoni ngkami ni ingabongin te Itita ae tamaroa aio ngkai ara iango a rairaki nakon te Tia Kamaiu n te aonaaba. I karababa au tangira ao au kamauri nakoimi n tatabemaningkami ao n tataro bwa Tamara are i Karawa e na kaunga au taeka.

Man te maungatabu aio e a tia ni koro itiua te ririki man te tai are I kamatoaaki iai bwa te Beretitenti n te Ekaretia. A tia n riki bwa ririki aika bati kanoaia, n onrake ma tiaki tii tabeua kangaanga ma kakabwaia naba aika bati. Ibuakon kakabwaia aikai aika moan te kakukurei ao n tabu bon au tai ni katabui ao ni manga moan katabui tembora.

E bon tuai n rangi n maan, n Nobembwa ae e nako aio bon au tai ae e reke ni katabua te tembora ae tamaroa ae boou ae te Phoenix Arizona Tembora. I bon raonaki irouia Beretitenti Dieter F. Uchtdorf, Unimwaane Dallin H. Oaks, Unimwaane Richard J. Maynes, Unimwaane Lynn G. Robbins, ao Unimwaane Kent F. Richards. N te tairiki are imwaain te katabu, te bukamaru n te katei e bon rangi n

tamaroa e karoaki ike e raka iaon 4,000 ara rororrikirake man ana tabo te tembora ae karoa aia kamataku ae tamaroa. Te bong are imwiina te tembora e katabuakaki inanon teniuatetere aika tabu man kaunganano.

Katean taian tembora bon te kankina ae rangi ni mataata n rikiraken te Ekaretia. N te tai aio ao iai 144 tembora aika mwakuri ni kabuta te aonaaba, ma 5 aika a manga katamaroaki riki ao 13 aika a kateaki. N reitaki ma aio, 13 tembora ake a katanoataaki mai imwaaina ae a roko n aroia aika kakaokoro n te katauraoi imwaain ae moanaki te kateitei. Te ririki aio ti kantaninga manga katabuan uoua tembora ao ni katabui nimaua tembora aika boou ake a baireaki bwa a na tia.

Ibukin uoua te ririki n nako, ngkai ti a tia ni kabanea ara iango iaon ara mwakuri ni katiai tembora ake a kaman tia ni katanoataaki, ti a tia n taon babaire ibukin katean tembora riki tabeua. Te ingabong aei, e ngae n anne, I rangin ni kukurei ni katanoatai teniuatembora aika a na kateaki n taabo aikai: Abidjan, Ivory Coast; Port-au-Prince, Haiti; ao Bangkok, Thailand. Tera kakabwaia aika a kawakinaki ibukiia ara membwa aika

onimaki n aono aikai ao, ni koauana, taabo ra aika a tei iai tembora ni kabuta te aonaaba.

Te mwakuri ni bairean kainnano ao kakaean taabo ibukin katean riki tembora e wakinako, bwa ti tangiria bwa a na mwaiti membwa ake a na kona n roko ni karekei aia tai nakon te tambora n akea te anganano ae korakora n te tai ao n te mwane. N aron are a tia taan kairiiri n te Ekaretia n taai aika nako, ti na teimatoa ni kaongoi ngkami ngkana a karoaki babaire ni kaineti ma aio.

Ngkana I iaongoi tembora, au iango a rairaki nakon kakabwaia aika batiake ti karekei inanoia. Ngkana ti rin-nako rinanon mataroan te tembora, ti katikui imwiira baika a katabeaiangaira ao ana kamangaongao te aonaaba. Inanon te tabo ae tabu aio, ti kunea te tamaroa ao te barongaaki raoi. Iai te motirawa ibukin tamneira ao te buoka man taian raraoma ni maiura.

Ngkana ti roko n te tembora, e kona n roko nakoira te iango n te maiu n tamnei ao namakinan te rau are e na korakora riki aekakin te namakin tabeua are a na kona n roko nako nanon te aomata. Ti na karekeananon raoi ana taeka te Tia Kamaiu ngke E taku: “I katuka te rau iroumi, I anganikingkami au rau. . . . A na tai rawawata nomi, ao a na tai maaku.”¹

Te aekaki n rau aio are e kona ni kaonrakea te aomata—naano ake a karawawataaki, naano ake a karawawataaki ma te tang, naano ake a namakina te mangaongao, naano ake a bubuti buokaia.

I a tibwa reikinna i bon irou taikan te kairake ni mwaane are e roko n te tembora ma te nano ni bubuti ibukin

buokana. N namwakaina aika bat mai imwaaaina e roko weteana bwa e na karaoa ana mwakuri ni mitinare i Amerika Maiaki. E ngae n anne, kariaiakana e taotaonaki n te aro ae e rangi ni maan are e a bita a na tabo ni mwakuri n te mition n te United States. E ngae ngke e aki kukurei bwa e aki kona ni mwakuri n te aono are a na moan tabo, e bon mwakuri korakora inanon mwiokoana ae boou, ni kamatoa nanona ni mwakuri nakon a na kabanea ni konabwai. E rikirake ni bwara nanona, e ngae n anne, ibukin mwakuri aika buakaka are e karekea ma mitinare are e tarai a bwa a nano riki iai nakon karekean aia tai ae kamaeu nakon tibwauan te euangkerio.

Tabeua te namwakaina imwiin taonakin te ataeinimwaane aei n te aoraki ae rangi ni korakora ike e a rotaki iai marurungina are e a boo itera rabwatana, ao ai ngaia are e a kaokaki nakon abana ibukin aorakina.

Tabeua te namwakaina imwiina te kairake ni mwaane aio e a marurung raoi, ao mwaukuna e a toki. E tua-ngaki bwa e na kona riki ni mwakuri bwa te mitinare, te kakabwaia are e a tia n tataroakinna ni katoabong. Tii te rongorongo ae e aki kakukurei bwa e na manga okira a na tabo are e a tia ni kitanna, are e namakina aroia ma kateia tabeman mitinare are a bon aki riai nakon are a na bon riai.

E a tia n roko n te tembora bwa e na ukoukora te karaunano ao kama-toakina bwa e aonga ni karekea te taneiai ae tamaroa ngkai te mitinare. A tia naba ana karo n tataro bwa rokona n te tembora aio e na karekea te buoka ibukin kainnanon natia te mwaane.

Ngke e a rinnako te ataeinimwaane aio inanon te ru are te tiretio imwiin te tetere n te entaumente, e tekateka n te kaintekateka ao ni moanna n tataro ibukin ana kairiiri Tamana are i Karawa.

Temanna riki are e rinnako n te ru ae tiretio ae rangi maan imwiina bon te ataeinimwaane ae arana Landon. Ngke e rinnako n te ru, e waekoa n noora te ataeinimwaane ae tekateka

iaon te kaintekateka, matana a in ni kaotia bwa e tataro. Landon e karekea te wirikiriki bwa e riai n taetae ma te ataeinimwaane aio. N te tai ae waekoa n aki kamanna, e ngae n anne, e baireia bwa e na tataninga. Imwiin tabeua te miniti n nako ao e bon teimatoa n tataro te ataeinimwaane aio. E ataia Landon bwa e aki kona n taonna ni kamaana namakinan te wirikiriki aio. E kawara te ataeinimwaane aio ao ni karaua n riinga angana. E kaurei matana te ataeinimwaane, ni kubanakona man riingana. E taetae n aki kabaibati Landon, "I a tia n namakinna bwa I kainnanoia n taetae ma ngkoe, e ngae ngke I aki koaua bwa bukin tera."

Ngke a moanna n taetae, te kairake ni mwaane e taekini a na namakin ni kabane nakon Landon, ni kabwara-bwara arona ao n kamotia ma nanona ae tangiria ni karekei tabeua karuanano ao kaunga nano n reitaki ma a na mition. Landon, are e a tia n oki man a na mition ae nakoraoi tii teuana te ririki imwaaaina, e karakina te bwai are e rinanona n oin a na mition, kakaewenako ao raraoma ake e kaitarai, n te aro are e a rairaki nakon te Uea ibukin te buoka, ao kakabwaia ake e a tia ni karekei. A na taeka a karaunano ao n anganna te koaua, ao ingaingana ibukin a na mwakuri e a ewekaki iai te ataeinimwaane. N tokina, ngke a kerikaki makun te ataeinimwaane, e roko irouna namakinan te rau. E namakina te kakaitau ae korakora ngke e a ataia bwa e a tia ni kaekaaki a na tataro.

Ataeinimwaane aika uoman aikai a bootaki n tataro, ao imwiina e a katauraioa Landon n nako, e kukurei bwa e a tia ni kakauongo nakon te kaunganano are e roko irouna. Ngke e a teirake n nako, e titirakina Landon te ataeinimwaane, "Ko karaoa ia am mwakuri ni mitinare?" Ni karokoa te tai aio, akea temanna mai irouia ae e a tia n taekinna nakon are temanna aran te mition are e mwakuri iai. Ngke e kaeka Landon ma aran a na mition, e ranran matan te ataeinimwaane. E a tia Landon ni mwakuri n te mition are e na oki nako iai te ataeinimwaane aei!

Inanon te reta nakou a e ngkai naba, Landon e tibwaua a na taeka n raurenako ma te ataeinimwaane: "Iai au onimaki bwa te Tama are i Karawa e na kakabwaiai, ma I aki kona n iangoia ae E na kanakoa temanna ae e na buokai are e a tia ni mwakuri n au mition. I ataia ngkai bwa a raraoi bwaai ni kabane."² A na tataro n nanorinano te nano ae koaua e a tia n ongoraeaki ao ni kaekaaki.

Tariu ao mwaaneu, inanon maiura ti na karekei karirii; ti na karekei kataaki ao kakaewenako. Ngkana ti nakon te tembora, ngkana ti uring berita aika tabu ake ti karaoi ikekei, ti na kona riki ni konai kataaki akanne ao n teimatoa ni kataakira. Inanon te tembora ti kona ni kunea te rau.

Kakabwaia man te tambora a rangi ni kakawaki. Teuana are I kakaitau ni katoa bongin maiu bon kainnabau ae tangiraki, Burantiti, ao Ngai are ti tia ni karekeia ngkati ti katorobubua iaon te bao ni karea ae tabu ao ni karaoi berita aika tabu ni kabaeira ni kabane ibukin te maiu are aki toki. Akea riki te kakabwaia ae kakawaki riki nakou a nakon te rau ao te karaunano are I karekeia man au atatai bwa Ngai ao neiei ti na manga uaia ni ikotaki.

I tataro bwa Tamara are i Karawa e na kakabwaiaira bwa ti aonga ni karekeia tamnein te tembora n taromauri, bwa ti na kona n ongotaeka nakon Ana tua, ao bwa ti na kona n iira raoi mwanekan te Uea ao te Tia Kamaiu, Iesu Kristo. I kakoaua bwa Ngaia ara Tia Kabooira. Ngaia Natin te Atua. Ngaia are e roko man te ruanimate n ingabongin te Itita anne, ni uota te bwaintituaraoi ma ngaia are te maiu are akea tokina ibukiia natin te Atua ni kabane. N te ngaina ae tamaroa aio, ngkai ti bukamarua te bwai ae riki ae kakaawaki anne, au kantanninga bwa ti na anga ara tataro ni kaaitau ibukin Ana bwaintituaraoi ae kakannato man tamaroa nakoira. Bwa e na riki aio, I tataro n Arana ae tabu, amen.

BWAII AIIKA A NA TARAARI

1. Ioane 14:27

2. Reeta inanon a na bwai Thomas S. Monson.

Reirei Ibuin Ara Tai

Man Meei 2015 nakon Okitobwa 2015, Reirei n te Nakoanibonga ae te Merekiteraka ao te Bootaki n Aine a riai ni katauraoaki man teuana ke e raka riki taetae ake a kanakoaki n te maungatabu ni kabuta n Eberi 2015. Inanon Okitobwa, a kona n rineaki taetae man te maungatabu ni kabuta n Eberi 2015 ke n Okitobwa 2015. A riai Beretitenti n Titeiki ao mwakoro n rinei taetae aika a na kabonganaki n aia aono, ke n anga te katabeaki aei nakon te bitiobi ke te beretitenti n te mwaanga.

Taetae a kona n reke n taeka aika bati n conference.lds.org



Iroun Beretitenti Dieter F. Uchtdorf

Kauoman ni Kauntira n te Moan Beretitentii

Te Bwaintangira n Akoi

A na akoi te Atua e tauraoi n te bong aei ao n tainako nakoia ni kabane ake a uruaki nanoia ao man raraoma tamneia.

N Tabatin te Itita ao ti bukamarua te tai ae rangi ni kakimwareirei are a kaman kakantingaia aomata n te tai ae maan bwa a na noria n rongorongan te aonaaba.

Bon te bong are e bitii bwai ni kabane.

N te bong anne, e bitaki maiu.

Maiumi a bitaki.

Tokin kawaia natin te Atua ni kabane a bane ni bitaki.

N te bong ae kakabwaiakaki anne, te Tia Kamaiuia aomata, are e katoka iaona a na kabaebae te bure ao te mate are e tauira bwa taenikai, e tokanikai iaon karawawataaki akanne ma ni kainaomataira.

Ibukin a na angakarea te Tia Kabooi Maiura ae tangiraki, akea kaweten te mate, akea a na tokanikai n te ruanimate,¹ Akea mwaakan Tatan ae teimatoa, ao ti “nanoangaki . . . nakon te kantninga ae maiu ni manga-utin Iesu Kristo.”²

Ni koauana, te Abotoro Bauro e eti ngke e kangai bwa ti kona “ni kabetei nanomi i roumi n taeka aikai.”³

A na Akoi te Atua

Ti aki toki n tataekina ana Mwakuri ni Kamaiu te Tia Kamaiu—ao e eti

anne bwa ti na karaoria!

N a na taeka Iakobwa, “Bwa e aera ngkai ti na aki taekina ana mwakuri ni kamaiu Kristo, ao ni karekea kororaoi taekana?”⁴ Ma ngkana “ti kakarabakauakina Kristo, . . . ti kimwareirei iroun Kristo, . . . ti tataekina Kristo, [ao] ti taetae ni burabeti ibukin Kristo”⁵ n tibwangara ni kabane, ti na aki kabua nanora ni maaku ao ara kakaitau ae korakora ibukin a na anga karea Natin te Atua ae akea tokina.

E aki kona a na Mwakuri ni Kamaiu te Tia Kamaiu ni kakeaki bonganana n ara reirei, ara maroro, ke n nanora. Bon te bwai ae tabu ao ni mimitong, bwa man rinanon aei “te kabanea n anga karea ae kakannato” are e uotia Iesu Kristo “te kamaiuaki nakoia ni kabane ake a na kokoauaa arana.”⁶

I mimi n iangoia ae Natin te Atua e na karinanoa ni kamaiuira, ngkai ti aki kororaoi, aki itiaki, ni kai karaoi kairua, ao n aki kakaitau n arora n tainako. I a tia ni kataia n ata A na Mwakuri ni Kamaiu te Tia Kamaiu ma au iango ae katauaki, ao ti te kabwarbware ae I kona n roko ma ngaia bon aei: e tangiriira te Atua n ae

nano, ae kororaoi, ao n akea tokina. I aki kona ni katautaua “rababan, ma anaun, ma nanon, ma rietan . . . [a na] tangira Kristo.”⁷

Te kawai are e kaotaki iai te tangira ae korakora anne bon te bwai ae aki toki n taekinaki ni booki aika tabu bwa a na *akoi te Atua*—te ibuo-buoki mai karawa ao te bwaintangira n te korakora are ti rikirake mai iai n te aki kororaoi ao aomata aika iai tiaia a riki ngkai bwa aomata aika karieta-taaki n te “koaua ao te ota, ni karokoa [ti na] kamimitongaki n te koaua ao n [atai]bwaa ni kabane.”⁸

A na akoi te Atua aei, te bwai ae rangin ni kamimi. Ma n tabetai e aki mataata raoi.⁹ Ngaia are, ti riai n ata a na akoi te Atua ngkana ti tangiria ni karekei bwaa ake a tia ni katauraoaki ibukira n Abanueana ae akea tokina.

Ibukina anne I tangiria n taetae iaon te akoi. Riki, te moan, e kanga te akoi ni *kauki mataroan karawa* ao, te kauoua, e kanga ni *kauki wintoon karawa*.

Te Moan: Te Akoi e Kauka Mataroan Karawa

Ibukina bwa ti a tia ni bane ni “bure, ma n aki karekea te neboaki mai roun te Atua”¹⁰ ao ibukina bwa “bon akea te bwai ae bareka ae e kona n rin n uean te Atua,”¹¹ ngaira n tatabemanira nako ti aki tau n oki nako matan te Atua.

Riki ngkana ti na beku ibukin te Atua ma nanora ni kabane, e bon aki tau, bwa ti na bon teimatoa n riki bwa “tooro aika ti aki kabwaia.”¹² Ti aki kona ni karekea kawaira nako karawa; kakoroan bukin te moti ao n tei bwa te katokitoki, are akea iai korakorara n tokanikai iaona i bon iroura.

Ma aki bua ni kabane.

A na akoi te Atua bon ara kantaninga ae korakora ae akea tokina.

Rinanon a na anga karea Iesu Kristo, te babaire n nanoanga e na rau te nano n tangiran te motiraoi¹³ “bwa e na [kareke] te nanoanga na-koia aomata are a na kona ni karekeea te onimaki nakon te rairannano.”¹⁴

Ara bure, e ngae ngke a uraura, a kona n riki ni mainaina n ai aron te tino.¹⁵ Ibukina bwa ara Tia Kamaiu ae tangiraki “e anga Ngaia bwa unoraia aomata ni kabaneia,”¹⁶ te kawai n rin nakon Abanueana ae akea tokina are e katauraoaki ibukira.¹⁷

E kaukaki te mataroa!

Ma a na akoi te Atua e aki ti kaokira nakon arora ae itiaki mai imwaaina. Ngkana te mwakuri ni kamaiu e ti nanonaki ni kamaunaakin ara kairua ao ara bure, ngkanne te mwkauri ni kamaiu—n aron tamara-ana—e aki kakoroa nanon a na kabanea ni kouru te Tama ibukira. A na kantaninga e a rietata riki: E tangiriia Natina mwaane ao natina aine bwa a na riki n ai Arona.

Ma a na bwaintangira te Atua n akoi, te kawai n riki bwa a na reirei e aki uotira rikaaki nakon arora are mai imwaaina ma e buokiira ni kanakora-oira riki.

A na babaire te Tama are i Karawa bwa e na kakorakoraira bwa ti na aki ata aron korakorana ngkana ti roko iai! E kairiira nakon te karietataki n abanuean Tamara are i Karawa ae te tiretio, ike ti, katobiaki irouia raora aika tangiraki, ni kareke “bwaninina, ao mimitoringina.”¹⁸ Bwaai ni kabane ara bwai, ao ngaira bon ana bwai Kristo.¹⁹ Ni koauana, ni kabane ana bwai Tamara a na riki bwa ara bwai.²⁰

Karekean te kimwareirei aei, ti kainnanoa ae raka riki nakon ae te mataroa ae e in; ti riai n rin rinanon te mataroa aei ma te nano ae tauraoi ni bitaki—te bitaki ae rangi ni korakora are e kabwarabwaraaki ni booki aika tabu bwa a na bane “ni manga bungiaki; eng, manga bungiaki inanon te Atua, ni bitaki man aia bwai n [rabwata] ma aroia ni bwaka, nakon

te aro n raoiroi, ao ni kabooaki iroun te Atua, n riki bwa natina mwaane ma aine.”²¹

Te Kauoua: Te Akoi e

Kauki Wintoon Karawa

Teuana riki kanoan a na akoi te Atua bon kaukakin wintoon karawa, are e kabwaroi inanona ana kaka-bwaia te Atua inanon te mwaaka ao te korakora, bwa ti aonga ni kona ni kakoroi nanon bwaai ni kabane ake a riaon ara kona. Bon man a na akoi te Atua ae kamimi are a kona Natina n tokanikai iaon kangaanga ao kariiri aika karabaaki iroun te tia mwa-mwana te aba, n tokanikai iaon te bure, ao “ni korora[oil] iroun Kristo.”²²

E ngae ngke ti bane n iai mamaarara, ti kona n tokanikai iaoia. Bon man a na akoi te Atua are, ngkana ti nanorinano ao man onimaki, ao a kona ni kakorakoraaki mamaaraia.²³

Rinanon maiura, a na akoi te Atua e anga kakabwaia n te maiu n rabwata ao bwaintangira n te maiu n tamnei, ake a na karaka ara konabwai ao ni kakabwaiai maiura. Ana akoi e kaitiakiira. E buokira A na akoi ni karikiira n te kabanea n tamaroa.

Antai ae Kona n Tau?

Inanon te Baibara ti wareka rokon Kristo ni mweengen Timon te Bwaretaio.

Itinanikuna, Timon e tara n ae te aomata ae raoiroi man etieti. E aki toki ni kakoroi nanon katabeana n te aro are e na karaoi (ngkana iai iaon karinanin mwakuri ake e na katiai): e kawakina te tua, e kabwaka a na kabwianibwai, e karinea te bong ae te Tabati, e tataro ni katoabong, ao n nakon te tinakaoke.

Ma ngke e mena Iesu iroun Timon, te aine e kawaria, ao e kaitiaka waen te Tia Kamaiu ma rannimatana, ao ni kabiri waena n te kabira.

E aki kukurei Timon ma te mwakuri n nebobebo aei, bukina bwa e ataia ae te aine aei bon te aine ae te tia bure. E iangoia Timon bwa ngkana e aki ata te bwai aei Iesu, E aki riai n riki bwa te burabeti ke E na aki tia ni kariaia bwa e na ringng te aine.

Ataakin a na iango, e rairaki Iesu nakon Timon ao n titirakinna te titiraki. “Temanna te aomata ngkoa are a riai ba a na kabwakaki a na bwai irouia aomata aika uoman: . . . a na bwai temanna te kabwaka nimabubua te tiring, . . . are temanna e kabwaka nimabwi.

“Ao ngke akea [ni kauoman] aia bwai n anga, ma ngaia are e a katoki kabwakaan a na bwai ake irouia. Ma ngaia ae antai irouia uakekei ae na tangiria riki?”

E kaeka Timon ni kangai ba te uare e katokaki kabwakaan are e mwaiti mai rouna.

Ngkanne Iesu e reirei te reirei ae moan te nano: “Ko nora te aine aei? . . . A batia na bure, ma a kabaraaki; *ba e batia te tangira i rouna*: ma ane ti teutana ae kabwaraaki nako ina, ao teutana te tangira i rouna.”²⁴

Antai mai ibuakoia aomata aika uoman aikai ae ti tangiria riki?

Ti katotonga Timon? Ti koaua raoi ao ni mwengaraoi n aron ara mwakuri, n onimakin oin raoiroira? Ti bwaina teutana te aki taotaonaki n nano ma naake aki maiuakin bwaai aika raraoi aika ti karaoi? Ti kariai ara mwakuri bwa a na kairaki i bon iroura, ni karaoa te bwai teuana n aki iangoia, kaei ara bootaki, iri kiraati n ana Reirei te Euangkerio e ngae ngke ti kunea bwa e kabotu, ao tao n takakaro ma ara tareboon n tain te bootaki n toa?

Ke ti tangira te aine aei, are e taku n a na iango bwa ai bon akea a na kantaninga ibukin ana bure?

Iai ara *tangira ae batia*?

Ti atai ara kakaitau nakon te Tama are i Karawa ao ni kabongana tam-neira ni kabane ni bubuti ibukin a na akoi te Atua?

Ngkana ti katorobubua n tataro, bon ibukin uringakin bwaai aika kabanea n tamaroa aika ti a tia ni karaoi n oin raoiroira, ke ni kaoti ara kairua, ni bubuti ibukin a na akoi te Atua, ao ni katimtim ran ni mata ni kakaitau ibukin a na babaire ni kabooira?²⁵

E aki kona n reke te kamaiuaki rinanon te ongotaeka; e tauraoi

nakoira ibukin raraan Natin te Atua.²⁶ N iangoia bwa ti kona ni kamaiuaki ibukin ara mwakuri aika raraoi bon ti tebo ma kaboa te tiketi n te wani-kiba ao n iangoia bwa ti a bwaina te kambwana ni kibakiba. Ke n iangoia bwa imwiin kabwakaan te mwane ibukin mweengara, ngkai ti a bwaina te aonaaba ni kabane.

Bukin tera Ti na Ongotaeka?

Ngkana te akoi a na bwaintangira te Atua, bukin tera ngkanne te ongo-taeka nakon a na tua te Atua e rangi ni kakawaki? Bukin tera ti na tabe ma a na tua te Atua—ke n rairananora, ibukin te bwai anne? Bukin tera tiaki ti kariaia ae taan bure ngaira ao ni kariaia te Atua bwa e na kamaiuira?

Ke, ni katuka te titiraki n a na taeka Bauro “Ti na bure nako naba ba e aonga ni maiti iai te akoi?” A na kaeka Bauro e bebete ao ni mataata: “Ti na bon aki.”²⁷

Tariu ao mwaaneu, ti ongotaeka nakon a na tua te Atua—ibukin ara tangira Ibukina!

Ni kataia n ataa a na bwaintangira te Atua n akoi ma nanora ao ara iango ni kabane e anganira riki bukina bwa ti na tangira ao n ongo-taeka nakon Tamara are i Karawa ma te nanorinano ao te kakaitau. Ngkai ti nakonako ni kawaia a na reirei Iesu, e kaitiakira, e karikirakeira, e buokira bwa ti na kona n riki n ai Arona, ao ni kairiira n oki nako Matana. “Tamnein te Uea [Atuara]” e a tia ni karika te “bitaki ae moan te korakora inanora, . . . n te aro are akea te nano ni kan karaoa ae buakaka, ma n teimatoa ni karaoa ae raoiroi.”²⁸

Ngaia are, ara ongotaeka nakon a na tua te Atua e roko imwiin ara tangira ae akea tokina ao ara kakaitau ibukin raoiroin te Atua. Te aekaki n tangira ao ni kakaitau aei e na katiteuanai bwaai ake ti karaoi ma a na akoi te Atua n te aro ae kamimi. Te tamaroa

e na teimatoa n tainako inanon ara iango ao ara onimakinaki e na rikirake ni korakora imatan te Atua.²⁹

Tariu ao mwaaneu aika kam tangiraki, maiuakanan te euangkerio ma te kakaonimaki bon tiaki te uota ae rawawata. Bon te kataneiai ae kakimwareirei—te katauraoi ibukin karekean te mimitong ae te kabanea n tamaroa n akea tokina. Ti na ukou-koria n ongotaeka nakon Tamara are i Karawa ibukina bwa tamneira a na butimwaai riki bwain te tamnei. Ti na ota ni bwaai ake ti tuai man iangoi mai imwaaina. Te rabakau ao te atatai a roko nakoira ngkana ti karaoa nanon te Tama.³⁰

Te akoi bon a na bwaintangira te Atua, ao nanora ni kan ongotaeka nakon a na tua nako te Atua bon te kawai are e na ataa iai Tamara are i Karawa bwa ti tangiria ni kan karekea te bwaintangira ae tabu aei.

Bwaai Ni Kabane Aika Ti Kona ni Karaoi

Te burabeti Nibwaai e kaotaira riki n ataakin a na akoi te Atua ngke e taekinna, “Bwa ti kakorakoraira . . . n anai nanoia natira, ao tarira naba, bwa a na kokoaua Kristo, ao bwa aonga ni manga tangiraki iroun te Atua; bwa ti ataa bwa *bon rinanon te akoi are ti kamaiuaki iai imwiin bwaai ni kabane ake it kona ni karaoi.*”³¹

E ngae n anne, I titiraki bwa n tabetai ti aki ota n te kibu “imwiin bwaai ni kabane ake ti kona ni karaoi.” Ti riai n ataa bwa “imwiina” tiaki titebo nanona ma “ibukina bwa.”

Ti aki kamaiuaki “ibukin bwa” man bwai ni kabane ake ti kona ni karaoi. Iai ibuakora ae e a tia ni karaoi *ni kabane* baika ti kona ni karaoi? E tataninga te Atua ni karokoa are ti kabonganai ni kabane mwakuri imwaain ae E kona ni bitii maiura ma Ana akoi ni kamaiu?

A mwaiti aomata aika a namakina te bwarannano ibukina bwa a

teimatoa n aki karaoi bwaai ake a kantatingaaki ke a tuangaki bwa a na karaoi. A ataa man oin aia taneiai bwa “e konamaki te tamnei, ma e mamaara te iriko.”³² A tabeki bwanaaia ma Nibwaai n taekina, “Tamneiu e rawawata ibukin au bure.”³³

I koaua bwa Nibwaai e ataa bwa a na akoi te Tia Kamaiu e *kariaia* ao *e buokiira* n tokanikai n aki manga bure.³⁴ Aio bukina ngkai Nibwaai e mwakuri korakora n anai nanoia natina ao tarina “bwa a na kokoaua Kristo, ao bwa aonga ni manga tangiraki iroun te Atua.”³⁵

Imwiina ni kabane, *anne te bwai ae* ti kona ni karaoa! Ao *anne bon* ara mwakuri n te maiu ae mamate!

E Tauraoi te Akoi Nakoimi ni Kabane

Ngkana I iangoa are e karaoa te Tia Kamaiu ibukira imwaain moan Tabatin te Itita, I tangiria n kanenea bwanaau ao n takarua n nebonebo nakon Teuare Moan te Rietata, ao Natina, Iesu Kristo!

Mataroan karawa a uki!

Wintoon karawa a kaukaki!

N te bong aei ao n tainako ana akoi te Atua e tauraoi ibukiia ni kabane ake a uruaki nanoia ao a korakai tamneia.³⁶ Iesu Kristo e a tia ni kaitiaka te kawai ibukira bwa ti na karekea rakan te rikirake ake ara iango n te maiu ae mamate aki kona n ota iai.³⁷

I tataro bwa ti na noori ni matara aika boou ao n nanora ae boou kaka-wakin ana anga karea te Tia Kamaiu n a na mwakuri ni kamaiu ae akea tokina. I tataro bwa ti na kaota ara tangira ibukin te Atua ao ara kakaitau ibukin a na akoi te Atua ae akea tokina man kawakinan A na tua ao ni kimwareirei “n nako[nako] inanon [te] maiu naba ngkai.”³⁸ N aran ara Mwatita ao te Tia Kabooira ae tabu, Iesu Kristo, amen.

BWAAI AIKA A NA TAAKI

1. Taraa 1 I-Korinto 15:55; Motiaeia 16:8.
2. 1 Betero 1:3; e kairaki ma katuruturuana.
3. 1 I-Tetaronike 4:18; tarai naba kiibu 13-17.
4. Iakobwa 4:12.
5. 2 Nibwaai 25:26.
6. Aramwa 34:10, 15.
7. I-Ebeto 3:18-19.
8. Doctrine ao Covenants 93:28.
9. Ni koauana ngaira “ataei aika uarereke, ao . . . ti tuai n ata aron korakoran a na kakabwaia te Tama aika iai n oin baina ao ni katauraoi [ibukira]” (Doctrine ao Covenants 78:17).
10. I-Rom 3:23.
11. 1 Nibwaai 15:34; taraa naba 1 Nibwaai 10:21; Moses 6:57.
12. Motiaeia 2:21.

13. Taraa Aramwa 42:15.
14. Aramwa 34:15.
15. Taraa Itaia 1:18.
16. 1 Timoteo 2:6.
17. Taraa 2 Betero 1:11.
18. Doctrine ao Covenants 76:56.
19. Taraa Doctrine ao Covenants 76:59.
20. Taraa Doctrine ao Covenants 84:38.
21. Motiaeia 27:25.
22. Moronaai 10:32
23. Taraa Ita 12:27.
24. Taraa Ruka 7:36-50; e kairaki ma katuruturuana.
25. Ana taetae ni kaikonaki Kristo ibukiia Bwaretaio ao taan riko taekiti a kamatata raoi te iango aei (taraa Ruka 18:9-14).
26. Taraa Mwakuri 20:38.
27. I-Rom 6:1-2.

28. Motiaeia 5:2.
29. Taraa Doctrine ao Covenants 121:45.
30. Taraa Ioane 7:17.
31. 2 Nibwaai 25:23; e kairaki ma katuruturuana.
32. Mataio 26:41; taraa naba I-Rom 7:19.
33. 2 Nibwaai 4:17.
34. Taraa 2 Nibwaai 4:19-35; Aramwa 34:31.
35. 2 Nibwaai 25:23.
36. Taraa 3 Nibwaai 9:19-20.
37. Taraa 1 I Korinto 2:9.
38. I-Rom 6:4.

© 2015 iroun Intellectual Reserve, Inc. A bane n tauaki mwiniñ taaian kariaia ibukin katootongana. Boretiaki i USA. Kariaiakaki n te Ingiriti: 6/14. Kariaiakaki rairana: 6/14. Rairan te *Visiting Teaching Message, May 2015*. Kiribati.12585 859